

校刊目經大成

目經大成目錄

卷二上

一二因  
至於此本之後

因風

因寒

因暑

因濕

因厥鬱

因毒

因癰

因胎症

因瘰癧

因疳積

因他

無因而因

八十一證

天行氣運一

暴風客熱二

火脹大頭三

大小雷頭風四

左右偏頭風五

陰陽邪風六

轉輻自轉七

瞳神反背八

春水揚波九

魚睛不夜十

凝脂翳變十一

星月翳蝕十二

花白翳陷十三

蟹睛橫出十四

長虹貫日十五

紙雪捧日十六

目血十七

瘀血貫睛十八

垂簾障十九

白膜蔽睛二十

衆星障二十一

日疔二十二

黃液上冲二十三

五色瘍二十四

睛漏二十五

背瘰赤爛二十六

目翳二十七

懸毬二十八

覆杯二十九

蚌合三十

努肉攀睛三十一

雞冠蜺肉三十二

魚子石榴三十三

椒粟三十四

症以證病。匪証則病狀支離而執刀圭者無從審其虛實。法將枉用矣。上古著七十二症。未爲簡。後人載一百六十。未爲濫。然按事近情。引理定律。皆不得其樞紐。所謂涉海亡指南之車。徒令人向若而驚也。是卷因十二症八十一。似因非症。八語約而詳。意深不晦。燮理陰陽。至道存乎其間。良醫良相。殆有合而

爲一者

盧仝不磨字漫題

校刊目經大成卷之二

平昌慎齋魏定國鑒定

盧澤不塵子黃庭鏡燕臺氏筆乘

上邑族弟香泉必智學源叅閱

男鉏非在田省畊原訂

孫玉峰瑛懷校刊

門人胡鵬南騰霄

受業族叔文標庭樹同校

八十一證

天行氣運一

四時運氣總夫行主客違和目病成人既染伊還累我  
左而過右定傳經無端膠膜潛潛下不盡此絲旋旋生  
逮至浮雲尋蔽日中醫勿藥豈平情

此症目赤痛怕熱羞明涕淚交流或瞽腫頭疼惡寒  
發熱乃時氣流行熱邪乘侮大要少陰司天之政風  
熱乘布雲物沸騰目膜而痛太陰司天濕土橫流寒  
乃時至氣鬱於上眇腫赤爛厥陰司天風燥火侵目  
眇或水衰金弱木侮所勝昏障泣出相火乘令陽氣



佈。候乃大溫。火勝目赤。陽明太過。燥淫所勝。白眼脹。皆瘍。寒水不及。濕乃大行。腹則大風。暴發。目視眈眈。人或素有厥疾。及痰火勝。水少元虛者。爾我傳染。不一。若本源清。則邪不勝。正七日自愈。蓋火數七。至七日。則火氣盡矣。七日不愈。而有二七者。乃再傳也。二七如故。必有觸犯。治依運氣始散。桂枝湯。麻黃湯。柴葛解肌湯。不退。大青龍。十神湯。表罷裏急。大柴胡湯。大正散。或減須和。小柴胡。逍遙散。參蘇飲。不減而增。當驗脈切脈。或攻或補。二陣選方。再刪易合。式而調。變之。庶不變化他症。

暴風客熱二

乾清坤寧何來客氣能犯書生夜雨青燈曉風殘月身在空庭一時寒熱交併。喉脹腹脹。淚翹零點。翳於珠。溫丹入璧。急切難平。

此症乃燥急勞苦。素養不清。猝以風邪外客。痰飲內漬。致五火俱動。陰陽更勝而作也。陽勝則熱。蒸陰勝則寒。戰陰陽交爭。邪正相干。則寒熱往來。症似天行。但不假傳染而加甚。藥不瞑眩。卽日生。入手芩蘇散。參蘇飲。表裏症現。雙解散。表罷裏重。壯火上過。三承氣。三友丸。若晝靜夜劇。是陽氣陷入陰中。名曰鬱。

入血室四物加丹皮黃連不罷。防風散結湯。或三黃  
清熱丸。婦女消凝行經散。勢少衰。羚羊逍遙散。再則  
冲和養正湯。又或選勝湖山。留心聲伎。患成今症。始  
進補中益氣。加蔓荊子。防風。倘脉沉遲。再加生薑附  
子。繼則神効黃芪湯。終與培元散。生熟地黃。飲合瘥。  
倘心粗膽大。豈以前藥莽投。病變強半難克。瑤函既  
曰暴風。却從輕論。又曰客熱。不教人急治。意欲將醫  
所兩家皆勒令無目。可謂忍矣。

火脹大頭三

淡飯清茶。合保得百年長。在或多愁善病。出乎無奈。努力但親。觥錄事。勾心不了。相思債。偏三陽九。火上炎蒸。形容敗。眼與耳。交障礙。頭及項。無小大。更痛如炮烙。須臾難耐。兩字浮生。真幻夢。一腔熱血。成寒瀨。問甚時能得返魂香。薰衣帶。

此症發熱惡寒。頭面隨腫滿而痛。目赤多眵。淚不敢向明坐卧。蓋風痰濕熱。合太陰燥氣。飛越而致。長夏高秋間。及虛肥人犯者多。失治。恐熱閉邪。診神膏。瀉仍待腫消而病變矣。須九味羌活湯。清室散。不効。麻

柱飲或大溫中飲若初起憎寒發熱一二日熱盛而無寒脉診浮大而數或弦燥頭痛身痛耳聾口渴雙睛望如火此係時疫病作非目疾非傷寒也進達原飲普濟消毒飲清平丸當罷不罷頭面續脹有紅僧髻狀乃毒邪蟠踞胃中隔絕元府使表氣不能通內裏氣不能達外游溢於上發爲奇腫俗名大頭瘟大柴胡急下以承其氣繼用十神湯小續命湯得狂汗或發斑而解然是症最易傳染薄福者即斃命醫家自當慎重漫圖醫人

大小雷頭風四

雷風人暴患壯熱且憎寒頭腦渾如烙睛珠酷似鑽氣粗痰上易火秘便通難怠忽過時刻天醫費往還。

此症不論偏正頭風但憎寒壯熱狀如傷寒頭目疔瘡腫痛極不能忍耐者是或挾痰而來兩耳若雷鳴風動轟轟作聲故曰雷頭風風起目隨病既而身如被杖二便秘結曰大雷頭風頭風作大便先潤後燥小便先清長後赤濫身熱徐退不痛曰小雷頭風大者害速小者稍緩二三日目即損壞神醫莫能爲治目壞而痛不少歟命其危矣難經曰頭痛有厥有真

厥者逆也。真者無他雜也。而腫頭重。按之不得項生。  
痛。腰脊爲應耳。前後脉。湧有熱。此風寒伏手三陽。留  
而不去。壅逆作病。頭爲陽首。發爲厥痛。若再傳入腦。  
戶則手足必寒。爪甲必青。死不治。初起不問大小。雷  
風三陽厥逆。五邪爭併。不辨爲火爲風。爲痰。脉息對  
症。或否連與大承氣。或三黃祛熱煎。火得息則痰自  
散。而風亦漸止。如表症未罷。菊花通聖散。先投看效。  
倘脉浮花。或沉濡而遲。服前方反劇。亟換調中益氣  
全真一氣大補元等湯。能開導針砭。依圖施治。尤爲  
快便。○雷頭風。本科第一險症。眇瞽者強半爲此。前

人只論其險絕不究其經絡治法，至今私恨。



# 左右偏頭風五

右邊氣勝左邊風。風氣兼併作火冲。可論一邊皆險益。那堪左右兩相攻。攻外青睛凹或凸。內攻神散照無瞳。識得六經七種病。按方主治不無功。

此症左邊頭痛右不痛者曰左偏風。右邊頭痛左不痛者曰右偏風。丹溪曰。頭風有痰有熱有風有血。在左多屬風血。在右多屬痰熱。世人只苦頭痛。全不慮及眼目。往往左發損左目。右發損右目。若血虛生風。風盛生熱。熱生痰。痰逆氣。風與痰并血從中耗。耗虛則寒而痛。風不衰必損左。反攻右。損右反攻左。而兩

日似損更驗痛由內起止於外爲禍速痛由外起止於內爲禍速由百會上星攢竹中入者爲禍烈外有赤腫痛厥得外症內有昏惑妄見得內症症成多不能治風之害人慘毒極矣治法不問左右先以艾炷熨頭炒米炒鹽熨太陽穴一面調神應散徐徐吸之俟勢稍止然後按症診脉如左偏風脉浮數有力心煩口苦目紅狂痛淚熱如湯二便不利逐客飲導赤各半湯有翳兼服瀉青丸右偏風脉如左加大實目赤腫腹多二便秘澀通氣利中丸涼膈散消胃散有痰清氣化痰丸用亦得依此主持厥目未必就指下

損再對病選方十亦可全

陰陽邪風六

五月陰氣進風邪任脉伏子月陽氣進風邪伏在督伏任肩骨疼伏督痛枕骨督任連相傳滿頭若擊觸

此症指額扳骨肩稜骨與後頂枕骨痛楚而言陰邪發則多於六陽用事之月蓋真陰不足風熱上炎若胸有宿痰此火之所致熱甚生風也陽邪發則多於六陰用事之月蓋真陽不足寒濕內攻若耳鳴眩暈此逆痰所致火兼水化也曰督任者即人身前後之分非女抱陽負陰男抱陰負陽支離無據奇經八脉之督任也症無內外總以益督扶衛降火散痰俾寒

者溫之。濕者燥之。熱者涼之。邪痛如搗。元虛痰火及  
怒氣甚者。多得此忽而不治。治而或愈。愈而復作者。  
勢必至喪明而後已。

轉轉自轉上

轉轉展轉在井之中乃伊人目。視也從全易爲從全大  
風自東轉轉展轉在井之上乃伊人目。眇而仰易爲  
翻仰。旋風之象。彼眇者。轉知止能靜。彼眇者。子開閉不  
定。旋風刮地分吹目。頻眨。大風折木分目。明絕命。一  
轉轉三章。專爲藏氣乖蹇。陰陽不和。中風中痰。併脫  
血脫氣。致目直視。上視緊閉。頻眨。翻騰動搖而作也。  
夫翻騰動搖。乃目不待心使而自驚然察上。驚然察  
下。倏左倏右。或睜或搖。此肝氣違和。風邪搏擊。致筋  
脉振惕。雙睛運動不定。偏牽拽。成性不爲。反顧卽爲。

反背倒驚搐不止。不爲暴盲則爲青盲。夫暴開頻  
眩乃目上綱屬足太陽。下綱屬足陽明。二經有熱則  
筋絡不開。又肝主風。膽主驚。陽火既明。驚風復吹。目  
力自難兩敵。若元病赤熱。自有本症。不在此論。何爲  
上視。精神昏沉。牙關緊合。手足瘈瘲。胸膈喉咽痰涎  
壅盛。名爲天鈞。實是風虛。然亦暫時間事。不足慮如  
久病病篤。上視者。則徐上徐下。下而復上。上而不能  
遽下。此肝脾將絕。卽不知醫者。一望而知其病入膏  
肓也。何爲直視。看物而睛輪不動。以燭照之。不畏物  
觸之。不眨病。至此症已逆。多不治。經曰。太陽之脉其

終地戴眼反折瘕瘕又曰少陽終者百節縱目眚絕

系愚謂直視不省事爲心絕不識人爲腎絕反折瘕

瘕爲肝絕蓋邪風壅盛聚其正氣邪盛則正脫正脫

則君主久慧而相傳之治節不行故三藏合病如醉

如痴目盲耳矣易竇只在旦夕是故直視譫語喘滿

者死循衣摸床惕而發狂微喘脉滑者死聽其輓輓

展轉變爲目科至敗之症不可復得耳治法連上陰

陽邪風總於散陣選方繼而或寒或熱或攻或補間

亦有奏効者然須熟讀頭風篇併各神方解臨事增

減如磁石引鐵自然吸合故凡無一定治理不言方



轉輻係深井汲水之車上下左右展轉無時詩以咏  
之並以名之所謂興而比也集中多如此類固知盡  
此類大然欲便記誦又限於病情藥品未能一計工  
拙風人詞客乞不以文害辭不以辭害志則幸甚矣  
甚

瞳神反背八

論那傾邪症匪小病人難值醫人少雖然家秘有針經  
心不巧手不妙多恐沉盲直到老

此症因六氣偏勝風熱搏擊其睛斜翻倒轉白向外  
而黑向內也藥不能療惟治以手法手法奈何熟視  
其何人何背併帶止帶下之分然後針之易如反掌  
針定進正容湯高枕安眠再煎人參養榮湯二三劑  
立愈其針須臨症親授筆墨難代喉舌市醫對此茫  
然面見背盲內障又以瞳神反背隱真瞳神反背矣  
夫

春水揚波丸

金輪自平兮水輪明而風輪半傾兮火輪蒸而肝邪散  
嬰兮腎枝舉而真令尖生兮損道精而

此症初起目不自然視內外都無別恙一二日風輪  
坎廊或左或右在上在下斜斜高聳而起也故曰春  
水揚波乃腎邪上蒸膽火內遏幸巽風不動所以未  
及全出若木旺生火多從上脹而有風脉及火盛生  
風必赤如淚下頭腦如破急以犀羚逍遙歸芍地黃  
或暫加知柏晝夜交進稍遲則漸高漸尖至極併水  
不見神昏如死俗謂之曰螺旋頂雖有善者亦無如

魚睛不夜

愁瞳子瞳瞳不轉頭陽邪亢風熱又相投

此症項強而赤燥目如火脹於瞼間不能開閉若野  
廟凶神與花紅變魚之目凸而定凝故曰魚睛不夜  
乃陽邪亢害風熱雖阻下竅不通上竅亦塞是眼不  
出卽入連於百會太陽兩瞼上星要隘等穴破針出  
血嗣後黃連解毒湯一味大黃九三友九寒之攻之  
屢有可效然亦險矣

凝脂變十一

何謂凝脂。肥而帶黃色。血停神昏。傷氣壅滯。經絡凝結。向腦中摧崩。從睛上得亡。明指額間。入命龍與易。

此症初起。目赤痛多。乳脉長光緊閉。強開則汗湧出。風輪上。有點如星。色白。中有孔。如銼刺傷後。漸漸長大。變爲黃色。孔亦漸大。變爲窟。有初起。塲色便黃。大且厚。治依下法。四圍裂開一縫。若可施針。或竟鏤去。下得一窩。窩底皮膜如蘆竹之紙。風吹欲破。見輒令人吃驚。又初起。現厚大。白障。繼則於障內。裏出黃翳。狀類鵝脂。爲疾益急。再頭痛便秘。則爲窟。爲漏。爲蟬。

睛爲凹凹爲眇。爲瞽。不日而致。治之不問孔竅淺深。但見睛色肥黃浮脆。善變速長。頭以小承氣下利中。先淨其內。隨磨羚羊角調清肝散。徹其外。俾表裏邪行。頭風不卽止。大便必通。大便通。目赤痛與淚合。咸乃用消風活血湯。或防風散結湯。犀角地黃湯。服過勢少退。照下星月。翳蝕定方。其眼藥對症點洗。要通便好不須瑣贅。愈後必有白障。若魚鱗。珊瑚等形。終身不能脫。然亦不幸中之幸也。揆因蓋木火自焚。殃及金土。一水不勝四火。是以焦痺神膏良醫遇茲也。須晝夜監守。假徒茶畢一揖揖後一函放心他往。一

時症變如上。救得睛完。未帶疾耳。學者虛心敬聽。進  
德良多。

原案

友人艾秀瞻初夏暴得此症。服驅風散熱之劑。反劇。  
或謂城中林桂苑素知名。請治之。既至。視其形。弱。  
弱。其色枯白。審其脈。細數。其家素封。意必斲喪過度。  
精血不能經絡。因而外感。故辛涼之藥不投。乃至補  
中四物六味地黃等湯。未數日。陽滿而失明。加之煩  
燥不安。林辭去。遣書招余。余嘗與艾子同學。信而事。  
遂以大承氣下三黃丸五錢。一服無響。應再服。下  
睛稍減。明日微開。則右目已能辨黑白矣。復如前藥。

口進三劑至大利乃止止則頭目痛攻頓除然後放  
以八正逍遙丸以退雲既濟月餘能出溪橋以納涼  
秋中全愈桂花問故曰目痛自下而上頭痛重太陽  
穴陽明勝厥陰也故承氣以通之大小便秘藏後熱  
於府也故三黃以降之氣輪簇火八正實瀉其于雲  
廓凝脂逍遙直解其鬱退雲既濟特以靖餘孽耳林  
退而嘆曰法之妙神驗如此可見法不遠人人自遠  
法智圓膽大觸類而長之則術在我矣雖然秀膽形  
脉怯弱用重方屢通倖獲戴人邪實急攻之効而仲  
景忌下之教不幾違乎是案徒以伐功不可爲訓



星月虧蝕十二

誰將厚指甲。冰鏡指深痕。致令星雲起。從教日月昏。濕邪陵火鼎。金氣入冥門。莫設專攻散。和中妙理存。

此症甫病。目即赤腫痛淚。不敢近火。向日風輪生白翳。狀如大星星中有一孔。宛若維繫。甚者如新月。月上亦有一痕。儼指甲深指。故曰星月虧蝕。凝脂症之小者。蓋人怒氣及土鬱傷肝。肝虛不勝病勢。所以一逼便爾空竅。雙睛現症。如斯男婦患者。多多。無論脈浮數弦大。總以犀角逍遙散。或四物湯加柴胡與黃酒炒連不則。疎風養榮瀉青導赤等方。增減與服。其

霧離險徐徐自爾枯落但痕跡下降日久對脈補種  
始上而平非一時所能逮淺

### 花白翳陷十三

黃白嫩花蕊沿睛歷亂開。爾時纔幾瓣頃刻卽雙臺。明月不相照妖雲何處來。伊人看未足寂寞揀風摧。

此症初起雙目便赤腫狂痛畏明生眵開視青睛沿際許多白點儼若扭碎梅李花瓣。瓣色黃而浮大者尤險。一晝夜牽連混合。微幔神珠看之與混睛障相似。却善長速變。且四圍翳起中央自覺低陷。甚則翳蝕於內。故名花白翳陷。治療大費神思。意者土盛鬱木。木鬱則生火。火盛生痰。痰火交熾膏液隨傷。乃變無了局。瑞函謂金克木之禍。真是睡中說夢話耳。速

救可以挽回。更續與凝脂。一椀豈足以菊花通聖散一兩分三次調服。看勢不衰。翌日再進一兩。腫必消。翳亦合減。換治金煎。日二劑。中宵以三黃清熱丸吞四錢。症不反復。而漸罷。然後順氣疏肝。清熱化痰。大約盡一季可全瘥。但終不能如舊人。其毋全責乎醫。

原案

壬申仲冬。一日余左目倏爾奇痛。隨腫而淚多。不敢開。入夜右目亦然。如煎如刺。眠食俱廢。強起覽鏡。左右風輪沿際。若念珠環繞。知是花白惡症。依前方對病增刪。三旦夕痛穩減。腫亦消。却人物罔見。問妻兒

愈曰四圍翳大而白幸瞳神微現黑影乃以空青石  
芙蓉鏡乳調互點漸漸能視凡五閱月圓始全瘥

蟹睛橫出十四

風流過風神大損風標挫風標挫固所風輪吹彈得破。瞳人圓活凝脂可。癥痕雖在光無墮光無墮將就罷了。又愁甚麼。

此症視風輪上有黑珠一顆週圍膚翳累纏者是。緣暴風客熱。鹽水衰火炎。醫不合法。致凝脂黃液木。瘍諸病。蝕破青睛。黑睛從破處而出。始如蠅頭。中如蟹睛。甚則橫長如黑豆。故呼上名。軟而不疼。金井但斜未敗。準可許其平復。間有結痂如豆。幾沒落始愈。者然補穿合碎。雖妙手空空。癥痕終乎不免。若尖硬。

痛。藥能再候，則黑白混一。睛睛決不能平，不則必裂。青黃各出目，其隨眇已乎。

睛睛本時，藥妄亂，逼成一切汗吐下諸法，皆用不着。合選和而帶補之方，加五味、棗仁、白芍、徐徐酸、棘、日久自然。入若未，經看治，此則水火強盛，脉必浮弦。而數須抑青、瀉青，八正逐客等，潔淨藏府，然後宜和。宜滋養，細心調理，十九無害。

長虹貫日十五

離離赤脉虬絲出銀海入水池縱橫籠細長短稠稀昏  
沉雲冉冉痛紫淚垂垂若白虹之貫日類紅線之穿珠  
大知水困金無助致令風狂火益威。

此症乃赤脉虬絲縱橫籠細上氣輪而纏風輪最不  
易治蓋水洩金元風木燥而無制故也。且火勝木焚  
風勝木折雖松栢之姿在庭不免况肝膽乎以故風  
火合作赤脉即生赤脉生則漫晴翳障熱淚流而痛  
緊世謂苦白虹貫日之變事焉因微其兆撮其狀而  
命名云其絲脉只在氣輪縱濯緊不死及有微淚赤



虬者。此目病之常。不足爲慮。卽風輪有障。醫者自能研究。茲無庸贅。內經謂赤脈從上下者。太陽病。從下上者。陽明病。從外走內者。少陽病。從內走外者。少陰病。大陽病。宜溫之。散之。陽明病。宜下之。寒之。少陽病。宜和之。少陰病。宜清之。知此則生剋制化之理。不難體會。用以治人。如鼓應桴也。愚按。赤絲虬脈。風火眼所必有。小大龜細。位無一定。何從分上下而辨內外。只看脈大貫過睛珠。便處導赤散。加黃連與服。不應或增障。經久在目。此風熱不制。恐成痼疾。須既清在人。參固本丸。百合固金湯。圓融通變而主之。當必効。

絲雲捧日十六

赤障開則狀忽生蘭缸花結夜來燈還與絲雲同一  
繞天行風火病殞心弗急淚賒流慣意仍平當面問  
他能見否不分明

此症滿風輪生障赤色厚薄高低不等痛澀莫敢開  
視見人則同眉緊闔淚併流且絲脉縱橫白睛亦  
紅紫相映以曰絲雲捧日看似風血有餘初症不知  
實係咽疾非王道不能治者何爲此病多得於幽情  
婦女及窮苦之人夫人而窮苦不獨憂鬱卽飢寒有  
虧精氣神三才六時無一刻施暢雖具吾體不爲吾

用而勞動之火無制上炎上炎之際不免雨露外承  
寒涼內遏其火不得發洩沉鬱在絡年深日久血亦  
相因而瘀焉。瘀與鬱偕。鬱藉瘀出。故得症如前。說者  
謂陽王風高障赤而微堅。陰虛火動。黠白而中陷。是  
道也。在彼在此。不遠不近。治法先揣其撓過。次問其  
因。次診其脉體。非病實形實。以冲和養正。神効黃耆  
湯大劑進一二。看他如何轉應。或補或和。雖功效綦  
難。樂無惜。而日月不計。終有瘥時。若少年境順得此  
必盲醫治壞。更須細心調燮。否則必變時復症。大費  
工力。

目血十七

斷送一生心力能消幾日奔波。夢魂中夜且風魔。勞動  
坎離真火。時下眼流血淚。面前人隔烟蘿。幽懷無計  
可消磨。琴罷煮茶孤坐。

此症目無病痛。自然鮮血迸流。有如刀針刺傷。一時  
不能遽止。除小兒食火鬱肝外。餘老年及有心計的  
人。元神虛憊。倏感風熱。一脈上游直血末歸元府。因  
逼而妄洩。洩之至再至三。睛徐陷而失明。然爲治頗  
易。但於病情時令。不可不省察三分。省察要當。脈依  
對症。或否。不必拘。總以大補元人參養榮歸脾滋陰。

地黃等湯與治立効。

劣庠某善刀筆。常視錢數多寡。許訟輸贏。其門如市者廿餘年。一日薄暮過東橋。江風撲面吹來。左目淚潏潏滴。拭之盈刺鮮血。比至家。盥照眇矣。或以爲發藏毒。噫。藏蓋言狀字異音同。雖卽事雅諱。未必非受病根原。特書於此。鑽廁者尚其鑒諸。

痰血灌睛十八

氣滯血瘀。將歸何處。沁入乾宮。青空純白。倏成紅。防風  
驅邪金井中。井中得得應殊色。如落日。與月當全食。且  
回頭。光頓收。罷休。還愁年不留。

此症始得。眼胞一環半玦。青碧隱隱。次後紫黑。或滿  
腔微腫。白睛亦赤。元脹起。儼若老拳打傷。左右相傳。  
遠近怕看。幸能視無痛。不甚苦楚。蓋熱物食多。胸膈  
氣海爲邪所蔽。血盛滯塞。不通逼而上走。故作此狀。  
甚而眵緊口鼻出血。急用清毒逐瘀湯大劑數進。不  
退。卽開導。或抵背湯通幽丸以攻之。不然火金乘木。

必變溺脂黃液魚睛等症其金井不見黑神頗然鮮  
血滿灌此定先病風熱既放不隨滋養一味苦寒到  
底致腎精膽汁耗損殆盡一點元陽直犯水德豈火  
入血分有形之急者比乎人如患此險惡極矣得生  
脈散十補丸龜鹿二仙膏連服三兩晝夜尚可救若  
再不珍重與藥俱差錯非惟日病難治而命亦恐不  
久醫必先立病繇或以此書示渠家人於事無濟庶  
免悔尤後話

又白睛不論上下左右現一片幾點絕似紅炭朱霞  
過一夕色濁轉青紫片點亦加大此血熱妄行客寄

肺膜間有因咳起者皆氣不寧謐之故治宜治金煎  
導赤散火既退而血隨通病不難制若泥解表洲肺  
處散方投之恐天元焦悴風木不勝削弱內外重症  
有不意而得者



# 垂簾障十九

逆障上弦生垂簾浪得名。蹉此年月久混沌始漫晴。有  
犯加凝滯。方纔變赤疼數般相似處。辨別要分明。

此症生於風輪上。半漸掩障神。不論厚薄。但在外色  
淡白者是。若紅赤必觸犯搏動其火。乃變增。非本病  
也。蓋緣日素疾作。不能相時制服。徒以辛涼散降。敗  
其血而得其火。風輪漸漸傷殘。年久不痊而致。醫非  
良明。與主不篤信。誠恐永爲痼疾。其初起神水不清  
及退後膏滯結而成者。此精衰火灼。益宜深心體認。  
不可草草施藥。或謂障從上生。合稱順。胡爲逆。此指

火而言夫火性上炎今下垂逆其道耶因云逸又狀其自上而下故曰垂簾爲治當察其苦樂審其脈體問其喜惡驗其點服藥既詳且悉然後對病處方大約不外逍遙四物加味吞千金磁硃丸不効改用助陽活血解鬱潤燥日以芙蓉鏡夜換空青石合點無不愈者如初患暴症見障似此須從彼論治不在斯例然總須心細眼明若虛應故事藥石必致差錯轉爲赤脈貫睛再變爲絲雲捧口卽龍樹醫王能減而不能痊

白膜蔽睛二十

羞答如娥面。偷雲出照人。暈生風起易。虹貫禍彌殷。無復清眸影。空留病業身。幽懷言不得。一望淚沾巾。

此症初起勢甚輕微。次後始赤。澀有淚。渾睛生障。多脉與眵。日久諸輪廓皆壞。雖畧能行走。瞳子不見。影動且障。稍高於睛。狀如小小狗腎。故獨以膜名。前後均無痛苦。緩而不變。却最難愈。往見少年患此。市人呼赤覷。赤瞻不輒于以終老。良可永嘆。病由儉嗇勞役。殘弊肌骨。或從慾嗜味。耗損真元。荏苒無形。燥火深潛。在經。妥抱斯疾。醫宜應機投藥。非若有形風熱。

之可散可攻也。假障上有星月蝕入，病似增而滅。翻連蓋火，爵既發，烟不再生。然亦宜因上窮困境中索境得其情，更勿循守故轍。余症從脉聚寶成丹，照不計工服，無吝費。有日開霧見天，向笑而赤覩赤暗者，竊恐爲赤覩赤暗所笑耳。

族叔正坤壯歲已得是症，逮援杖列上賓，不杖鄉杖國而杖家矣。時余甫業茲術，看其障雖近白膜，覺尚鬆而不光滑，爲剗去。瞼內外椒栗以八寶空青石芙蓉鏡加味磁硃丸，晝夜點眼，間煎神効黃芪全真一氣湯。凡四閱月全清，不惟不需杖，黑夜常出市肆閒。

設如此十數年乃謝世其子某某不德余凡內戚問  
尊翁雙睛久聾重光之由輒對曰天數嗟夫坤叔壽  
而康或天也數能使口中瞳子老而還少耶  
新城楊孕初先生父子青年進士每書札相招款稱  
姪不言弟蓋余常主其仰友善太翁暨諸父故也切  
思守謙主敬固士大夫本色醫賤彼也縱學術兼優  
車笠不踰盟已耳乃謹悖父執古禮視某某天數之  
對渺若山河

聚星障二十一

一片片。幾星星。翳青睛。引淚落。與絲縈。夜而朝。右復左。  
主何經。木翳結。火飛騰。兩相爭。能急變。不當明。霧籠花。  
雪。漏月。過平生。

此症黑睛有細顆。或白。或微黃。或連縷。或叢萃。或散  
漫。或齊起。或先後。逐漸相生。大該木火擾攘。亦曰疾  
所常見。及時依星月翳蝕。主治則聚者徐散。散者頓  
滅。若日長一日。合作一塊。斑數片赤脉纏貫。雖不類  
花白。凝脂之善變。而自困固醫有必然者。相期淡泊  
寧靜。毋爲痰火所用。

## 目瘍二十二

目病外障生實邪顯有名。肝強多落泪。血旺白羞。燈爛熱。邪爛。乾風椒栗成。皆頭心有故。唇口土無情。腰下三陰。蘊六陽頂上行耳根微。腎燥鼻竅驗。金清將次過身現。都來十二經。謹防精混濁。主治幸分明。

此症專爲目病。目病後生瘡。反復變幻而言。位次不等。大約總在睛之上下左右。赤者火。白者邪。白者血注。血注則肌熱。故發現皮膚。久則所注之血化爲水。所澀之邪復滯水而成膿。故漫爲濕爛。始生微癢。爲虛邪。腫痛赤熱。爲實邪。甚則寒熱作而飲食大減。不急。

治惡濁氣沁入目內而波及於珠若但瞼背有故別  
無痒痛此將淚漬溢目愈自散凡見瘳生不驗部分  
形色得自何來將欲何往與夫熱淫濕淫血勝風勝  
所致概以三仙五虎等丹主之治標不治本不可謂  
之知醫治法採嫩桑葉忍冬花芙蓉根煎濃湯洗刮  
極久以菜油調八寶丹塗上內服托裏消毒飲或人  
參敗毒散如是半月三旬許渠情淨或謂瘡瘍因毒  
已見似爲重出曰因毒與自毒攸分且茲理解通而  
不令掌便重無碍餘倣此



黃液上冲二十三

從來赤液。因潰成如紙風輪。那更生。大抵火邪膏內作黑神術散。病黃精。

此症於風輪下際金位之間。神膏內主物黃色狀如雞脂。稍輕者若黃漿小瘡。外面無有。僊人指甲根白。幾相類。非針藥所能及者。勢大不消。必冲出風輪。其睛隨破而眇。卽不然。金井立散。黑神敗而失明。是症最速。蓋經絡否塞。陰陽離間。火土諸邪。蒸滲幻化而成。有頭痛便秘者尤急。若作天行客熱。胡亂治而頓愈。吾其退避三舍。臨視當問其已治未治。未治以柴

葛解脫十神湯進一二劑看效。効則三友丸、大黃丸、  
儘服不効，改用人參白虎湯、芍藥清肝散，或瀉黃，或  
雙解病必緩而漸退。已治，審其脉相其體，驗其方藥，  
某過某不及，裁以心法。羚羊犀角磨調，逍遙散，或撥  
雲固本還睛諸丸煎湯遞飲，黃液無不消消則補和。  
對症選方，還元易矣。中間有一虛寒入手，須參其  
桂附溫散者，含症從脉。元有是說，又不可不細心理  
會。

水輪貼風輪而生質最脆嫩，中空而薄，能舒能斂，正  
看似在外，斜視則顯然在內。凡鳥獸鱗介之目皆如

是其望處俗謂之瞳子。常遇險病莫不以手招之能  
應卽喜甚至青盲風變且謂瞳子尚在諒不妨事不  
知此乃鏡花水月以影示人耳其瞳神深藏膏中有  
光無光伊誰得見本科不惟未及發明竟渡河有豕  
穿井得人公然立說併有引重瞳一物兩現之奇者  
爲之捧腹尤可笑者於此症則曰風輪上際坎位之  
間於水輪散大則曰風輪窄窄一週外障正中者則  
曰腎弱其所用藥俱不免地黃湯加減是直以中空  
者在外爲風輪包來神水者在內爲水輪矣嗚呼下  
愚不移無庸深辨第剖之蠢而笨之猪眼使渠詳觀

諒必茅塞頓開。舜羽之目。大抵較常人分外精采。故曰重瞳。果一物現二影。於理不達。若一目兩瞳。則儼然怪物耳。帝王云乎哉。至曰舜目重瞳。上下生羽。目重瞳。左右生。不知誰實見來。載於何典。○是症諸書皆曰黃膜上冲。傅氏本專家。所輯眼科曰瑤函曰大。全似無出其右者。曷亦相因稱膜不應特正之。目液。蓋液類漿水。比喻恰切。膜係皮屬。凡薄而嫩。厚而韌。不動緊着者。皆是。詎能上冲。看牛脂膜。猪膏膜。可瞭明明。漿汁之物。混沌名症。豈字典字通字彙俱未謀面耶。又下症曰五疳。夫帝爲小兒。甘食致病。奈何着。

於眼上豈點眼藥過多。目飽積成耶。不顧笑脫人顏。今換瘍字何義。瘍乃瘰癧別名去理未遠。故直書曰五瘍。

### 五色瘍

木瘍如豆據青睛紺碧蒼黃盡不成。若使深侵金井去。水紋蕩漾綠苔生。

此症生於風輪左右。色蒼碧形若敗豆。大要非下銷精血火燥上攻。卽味窮山海毒循氣發。以故一起便內熱食減。頭目狂痛。其敢開視。逮病勢稍衰。已成今症。雖不同黃液自內而出。其險惡過之。失治則睛必

裂愈後頭有鮮紅苦斑似疥非障神醫爲之解脫  
火瘍狀如紅豆蔻其故知爲邪毒否兩背之間已不堪  
氣輪犯尅難分割

此症初起如秦椒繼如紅豆蔻生於內臉背間着氣  
輪者爲急蓋火之實邪今在命部所謂鬼賊相侵失  
治或快食成積爛須黃連解毒湯不妥當八正散犀  
角地黄湯再則宜滋水以濟火或補陰以配陽圓機  
活用治法良多寧必一意敗毒

土湯俗號包珍珠血瘀生痰火剝膚其謂疾微無用治  
到成潰漏費神機

此症世又呼偷針眼。生外臉弦上。初得但癢。而腫。次則結一小核。乃作痛。屢屢不藥自消。若病形俱實。必至核大潰膿始愈。有一核潰。一核又結。一目罷。一目又起。及發虛外風。襲入頭面。悉腫。目亦赤痛。如再犯燥烈。決爲隔漏。收改形換相者。些須小恙。而禍害一至於此。患者幸毋忽。始以瀉黃散。竹葉石膏湯。次歸芍六君金水六君。若目赤痛面微腫。亟進清胃散。二木勝濕湯。或於瘍頂上。重夜一針。血出氣洩。萬萬不致潰腐。

金瘍玉粒生睛上。漉漉水輪碍。蒸莽時交陰。氣金水溝。

流火居酉神稍爽。

此症生於氣輪狀如金粟粒數無定。眵淚澀痛不消。說間有連上瞼內結者。尤礙青睛。且擊而發翳障。儼與椒粟彷彿。但火金亢戰。非風濕居土木也。子後午前陽氣升王之時。病必急。大劑瀉白散。冶金煎不稍減。清毒遂瘳。湯投之無有不罷。倘違戒反觸變禍。端恐不免。

水瘍震巽輪間者。黑氣凝空。蒼氣薄太陽。離麗苦頭風。瞳子生憎。金井落。

此症仍生於風輪。病狀病態亦與木瘍絕肖。但巽離



先起其色元黃間亦轉青轉藍由內偏出青睛目疾之奇惡者其不陷睛喪明且有重瞤耳或曰瘍本火鬱頭係風痛何以病反屬水蓋肝木風乾則生火火勝必侮水金井腎脉也風攻其上火燔其中而下之化源未能遽接些微膏液不得不同流合汚隨風入木結而成瘍且風行水動物理自然凡頭風痛攻夾傷瞳子豈限水瘍耶是瘍由熱淫火兼水化水乏腎困其爲病也明矣夫復何疑

水木二瘍本無治故不立方然遇初患醫乃仁術主定誠求詎忍坐視水與三黃丸抑陽酒調散水與知

栢地黃湯通幽丸止痛保四山可矣或天相吉人有  
効再對脉選藥百中亦起一二但必預陳病由乃無  
復言奸人且無從詆毀

精屬二十五

何來風毒土金停化濕爲痰作淚傾時序遷移形不改  
醫家因以漏睛名。大眚漏多人火旺時流血水疼而  
脹。腎曾養也更須升心已清分還欲降。天火上行小  
眚傷漏緣砭割欠端詳致令血怯神膏損。鎮口陰淫視  
減光。

此症非一時生得如是乃遊風客熱停蓄藏府傳於  
目系未能發洩而致且熱氣也風亦氣也氣以成形  
則變爲痰爲液爲膿汁出於大眚上下瞼頭小孔之  
中甚者內瞼近鼻結一核砭破核則消而口不合膿

汁長流而夕流多曰陰漏曰龍火日中病劇曰陽漏  
曰肥積幽鬱痰飲及天稟衰薄之人患者多亦有因  
覬肉努肉割傷精血氣不流行而瘡口漸冷冷則凝  
凝則無所消化遂潰腐爲膿爲涎經歲無乾每食毒  
物受風濕更能痛與脹起腥穢不堪聞治當先事木  
火清空散胃風湯防風散結湯次及金土百合固金  
湯白菊清金散玉屏風散蓋火爲毒源潔其源則流  
不待澄而自清風爲邪帥降其帥則衆不爲祟而潛  
散然後以竹葉瀉經大補黃芪養陰清燥等湯或升  
陽益陰升陽散火各隨氣稟厚薄病症淺深以投之



背幃赤爛二十六

黃子散步蘆汀。有客於林泉。小立兩日。頻眨。皮毛粟粒。雖內無所損。而芝眉誠不堪抱。曰噫嘻。悲哉。斯人斯疾。其由有十。蓋太陽失職。太陰降級。君火上炎。陽明燥急。或殢郁厨之酒。或對牛衣之泣。或茶烟冒冬。或葢水不給。月出皎皎兮。幽人孤往。而冷露淹浥。馬鳴蕭蕭兮。壯士早行。而曉風潛襲。至乃新秋病進。此流火之疹。金大寒不退。又木運之交。入故其爲狀也。臉弦沃丹。背頭流汗。爛而微腥。癢而兼澀。手不停搔。巾裾常濕。補矣哉。裂見鮮血。攻矣哉。腫痛交集。以清溫以和散。何賊邪之難。

戕而猶不易平者。恐水火未濟。須億中書毋泥執。客願  
脫服。顧余長揖。欲有求而力不能及。歸而私念中心悒  
悒。援筆賦之。次於篇什。

此症皆發赤爛。或癢。或痛。肢多。出致病頗繁。驗病  
亦多端。大畧赤屬火。爛屬濕。癢屬風。痛屬熱。肢多氣  
虛。泣出血。衰赤。勝爛者。多得於勞心。憂鬱。忿怍。無形  
之火。爛勝赤者。多傷於酒食。過哭。冒烟。有形之氣。風  
熱。蒸則癢。而泣出。濕熱淫則痛。而肢多。爛而微腫者。  
責以寒濕。赤而乾澀者。責以血燥。火盛風起。則生瘡。  
於艮坤。晴亦病而翳焉。所主雖在心脾。然要於左右。

輪廓陰陽表裏虛實而求之病情斯得其有水  
米不繼。遲眠早起。寒氣沁入肌膚。致爲痼疾。更宜設  
身處地。庶有治法。萬勿以家貧日久。置若罔聞。臨事  
先以剪刀剔去上下。臉內外粟粒。蒸化。胎容膏不時  
洗擦。俟乾。莖上搽元霜。內點胭脂。雪隨發。杞菊飲。赤  
加黃連。赤芍藥。爛加蒼朮。大劑熱服。効否則再剔。再  
洗。對症處方。或以六君子爲主。赤加丹皮。丹參。痛加  
黃連。痒加防風。薄荷。爛加蒼朮。石斛。寒濕加附子。乾  
姜。週年半載無間。不怕他不愈。○友人孔樂芳常患  
厥疾。赤爛無異。殘風按法治療。製元地一觔。百合粉



八兩。花椒末四兩。杵融蒸極熟爲丸與服。今不發十年矣。藥之靈効乃爾。爰附記備用。

目睛二十

皮膚中脉轉蓬氣不融和血欠陽匪邪厥甚而口角牽魚尾搖無止詫殺兒童笑殺翁莫酬客。

此症謂目瞼不待人之開合而自牽拽振跳也蓋足太陰厥陰榮衛不調不調則鬱久鬱生風久風變熱而致主以全真一氣湯十味益榮煎艾人理血湯不移時立住。倘認爲遊風淫熱議從涼散則肉縱筋引恐變喎斜不則或左或右連口不時用上搖搖翁翁若木工之繩墨獵人之射煙鎗人見莫不令嘲洵終身實笑之招牌矣。

懸毬二十八

上瞼胡爲照陽衰濕令游箇中渾是氣此外若爲毬顏色未全易風光能久留辛溫醇治理無効亦休休

此症目不赤痛但上瞼虛起若毬久則始有穴瞼或紅或内生赤脈濕痰與火夾燭者則有淚而背爛乃脾肺陽衰自病不可悞認爲覆杯蚌合之實邪試以手掌擦熱拭之少平頃復如初可見其真元不足而泛火壅於肌理也治用異功散補中益氣湯神效黃芪湯助陽活血湯立愈

覆杯二十九

土禍由來風木構。累山廓脹如杯覆。忍痛蓋明須針。且藥無用籌先後。料想青睛塵不受。怎禁得雨馳雲驟。鳳蠟燒時菱花照處。光景全非舊。

此症目先赤痛多淚。後睛漸腫硬如覆一酒杯於眶上者。是益木不務德。以風勝濕。風勝必生火。火受風邪。又淫入土。濕因轉爲焦燥耳。故堅而色赤。若外感風熱而致者。爲禍稍緩。然腫極必瘀血。恐灌入睛中。將如之何。須用開導敷治。敷治退而復來。開導消而再作。或愈腫愈高。此風痰夾攻。症變不測。醫非四診。

精確煞是棘手。張子和曰：目不因火則不病。白輪變赤，火乘肺也；肉輪赤爛，火乘脾也；黑水神珠被翳，火乘肝與腎也；赤脉貫睛，火白甚也。經曰：熱勝則腫。凡目暴赤腫，畏明，澀痛，淚出不止，熱氣炙人者，皆火之爲禍也。但治療之法，有寒涼以降火，有補水以配火，有添油以濟火，有填灰以養火，有滋陰以制火，有培木以生火，有抽薪以退火，有沃水以滅火，有升陽以散火，有砭針出血以奪火，有灼艾分痛以移火。故子和又曰：能治火者，一句可了。寧必大苦大寒，上散下攻，然後始爲對症。如是症，合下章當用砭針抽薪之

法砒針卽開導抽薪乃下奪本經謂之攻通氣利中  
三承氣三花神祐皆可用不則青歸散涼膈散普濟  
消毒飲俟腫消看臍壞或否再作區處或謂上藥過  
猛急治其標可也倘年老及新產婦元氣素弱人須  
除去硝黃加人參懷山藥姜棗佐煎斯固至言不知  
以病受藥雖猛無害惡欲大而欲小在此

余每臨急症當汗吐下三法大劑瀉進中病乃已而註  
方授人却叮嚀提撕蓋恐後學心粗胆大殺人於竹  
塢瓦缶中而不悟也城中某士自號名醫非殷戶百  
金五十不往見所用藥膏散者其味既苦而中益氣

且藥必手號計重不滿三錢時彥咸煎其穩慎吁如  
是而曰穩慎庭鏡不足道張仲景先生書直可覆清  
甕付丙丁耳呵呵。

蚌合三十

天開雙闔盡而宵獨抱衾裯耐寂寥。展轉無人堪入眼。  
一腔熱淚濕蛟鮑。

此症初起目赤畏熱一二日兩臉漸腫硬儼如蚌蛤  
之緊合者是。蓋痰燥血滯脾火上泄故臉硬睛因火  
炙未免痛而泣出。經所謂土極似木非肝病也。必有  
椒粟生於其內。治當敷軟翻胞開導。若堅實翻不得  
或腦再脹起痛如剪如鑽此土反尅木。異風已動。結  
毒之禍頓起蕭牆矣。有病茲不翻開導臉腫雖愈瘡  
痕留內結成蜆肉。日久堅硬狀如栗殼貝齒。須用月



斧逐漸鏟去。俟薄而開。閉自然。點淨。是障。準可全消。但必資藥。子弟始可盡法施行。蓋諺云。眠安食美。出得血。起故也。亦治至八分則止。過割。恐亡血。又起別病。○是症與上同一腫脹。治應無別。但緬懷平生所歷。不同處。尚多。何以見之。上症。木土爭尅。腫極上胞。治在肝脾。此則痰火蒸滯。兩瞼平合。治在脾胃。且上症多病。左目雖傳。右不如左險。此則先發。右目傳左。亦輕。入手宜白虎湯。竹葉石膏湯。不退。三友丸。一味大黃丸。再加開導。腫合消。仍看青睛。奚似對症。揀方點服。收効易矣。博議於此。豈令執事者。知所審視乎。

到厥病滅除

努肉攀睛三十一

脂非脂。膜非膜。蝕風輪。掩翳。如金刀具在。未全除血氣。方剛能再作。

此症始自內眥。生脉一二縷。縷根生瘀肉。赤黃色狀。如膏膜而韌。日久積厚。橫侵白睛。羣食神珠。有兼銳俱生者。但枝蔓所傳。終不若正受者之多也。凡性躁氣逆。恣嗜辛熱。勞心勞力之人。患者多。間有漫睛。皆障視亦不見。必內外兼伐。根淨則愈。然亦難矣。病出原機。爲奇經客熱。其言曰。奇經客邪。非十二經之比。十二經之外。別有治奇經之法。而所用藥。亦曰勝奇。

散却只是芳歸連草等物無稽之談人誰從同謬刺  
論曰客邪於足陽蹻之脉令人目病從內眥始近似  
瑤函曰肺實肝虛其肉努起夫肺實挾輪言通睛合  
努據肝言並不在內眥之位且肝虛肺實木已受金  
剋矣又用胆草木賊以伐之何哉愚意症發兩眥乃  
合太陽少陰而病肉屬脾土赤黃努起是火炎者土  
必燥水木不能制禍紐於金雖在氣輪非肺經之自  
病也起手須如法鉤割點以飛熊丹內服瀉黃蘗白  
導赤等散俟刀口平復依心火乘金既濟丸或滋陰  
地黃丸一料治本不治標其殆庶幾

割法用紅攀一錢水泡化以新羊毫筆蘸水滌患處其肉自然皺起不起復滌將鋒利銀針穿人箇中兩頭於上下眼胞摺定次用鈎鈎正次用刀或挫刀從中輕浮搜至神珠攀底復又從針處搜至背頭近血輪離一粗布線位小心割下有不必要針穿不藉攀滌不須鈎只用鉗不須刀只用剪者一聽自便總宜器利手快看得風水血三輪親切不致稍犯庶不悞人割去處肉白者順易奏功赤者纏延血出不止用新棉花蘸頂煙墨塗之立佳秋夏以泉水亦佳蓋紅見黑則止陰陽之自然爲偶血得冷而凝水火之所

以相制也。割後澄心節慾去酒禁椒豢。前方點服弗  
歇。刀口日平一日。雖未能視如無病。取病中相去天  
壤耳。假通睛皆肉膜蔽滿。下不見風輪影色。先於中  
央起手。割開黃豆大一孔。問渠見光亮。微有昏昏黑  
質。不妨漸次鉤割。十中常一二可治。否則神膏已涸。  
不消費力。○凡大皆有肉珠一塊。如榴子狀。本科呼  
爲血輪刀烙。誤傷必致潰敗成漏。卷首已說。再識於  
此。不啻耳提而面命也。

旁肉有尖頭。齊頭二種。齊頭浮於風輪。易割易平復。  
全好。跡象都無。尖頭深深蝕入神珠。大難下手。且分

明割去。明日依然在上。非三五回不能淨盡。及癰其  
癰。痕至年久始沒。但所有昏矇赤澀。眩淚等病。努力  
去。不復再見。倘弗慎口節。熬勞心傷力。到老難免斯  
疾。

雞冠蜺肉三十二

蜺肉與雞冠形容總一般。多生脰背。眸後及風輪間。火土交爲禍。陰陽併作奸。不精刀烙法。莫向病家看。

此症初起。壯熱目赤。痛一晝夜。大背內脰之間。生瘰肉。紫色垂吐胞外。目閉亦不收。形與雞冠蚌蜺肉無異。故曰雞冠蜺肉。昔人分爲二症。究竟皆眞元素虛。炙煇厚味之物。食多不化。致血熱火燥。感以陰陽乖戾之氣。則發爲壯熱。熱盛生風。風動血行。上逼空。穀醞酸而成此物。蓋目疾所常有。而怕醫者亦多。何爲是證。朝生夕長。始軟終硬。發手須白虎湯。加黃連。



木通、麥冬、竹葉大進一劑。然後沿根割淨。不可少留。毫髮再與防風散結湯幾服。看刀口平否。未平血且不止。其肉如韭菜剪去處。勃勃生發上來。急用烙以殺其勢。烙已煎黃連解毒湯。淨坐半日。當必清寧。倘病者畏法。家人將信將疑。所譬雞蜺惡物。決漸長漸大。害及氣輪。而盡掩青睛。甚則堅實駭人。欲割不能。能割無益矣。

同里朱氏女。甫六齡。左目內瞼傷寒。後忽生參差一片紅肉。吐於目外。余曰。此雞冠症也。法當割去。否則長大。渾睛滿而喪明。朱疑畏未定。明日其睛化爲肉。

毒高寸許大如盞色紅微軟後漸止至三寸乃已壯  
類牛鬪角解居無何又於耳畔生一疣不數日大如  
椀硬於石有作血溢而治者有作火鬱而治者轉日  
夜痛楚懨懨欲絕復延余主以托裏消毒佐三黃滋  
腎等劑痛稍止旣而疣遂潰眼肉亦隨萎但形神不  
若從前之肥而且潤一日午睡向晚舉家皆謂安神  
莫敢驚覺及張燈視之死已久矣一奇症也一奇事  
也或曰症事固奇而予之爲政未爲盡善蓋金石之  
語因存此案以誌吾過以廣見聞云

魚子石榴三十三

石榴魚子症兩樣不須猜。魚子一宗起。石榴四角來。俱爲血氣瘀。却即肺脾災。能知剗割法。雲漢漸昭回。

此症氣輪一二處生浮肉一片。色淺紅。內細顆。莖如棟之儼。似小小鉄砂。曰魚子。其肉塊圓長。或四或六。四角生來。若榴子綻露於房。曰石榴。不剗亦復蔽。瞋瞋。臨神視無見。經絡病困恍如前。就如前方法主治。徐瘥。又有細細紅顆散生於風輪之上。白睛之內。不變能視。亦名魚子。用月斧剗淨。在風輪。青丸在白睛。冷金煎。然奏功甚難。兼拳毛皮急。及赤脉纏貫。外成。

目通六代

卷之二十一

三

殘風萬物不能全愈。

椒粟三十四

風濕熱肝脾榮凝衛不舒。粟瘍胞內起粒粒似金珠。臉  
急開張。頭疼生卧。疲椒瘍紅而硬。陽毒易爲驅。

此症似瘡非瘡。細顆叢聚。生於左右上臉之內。色黃  
而癢者。本經名粟瘡。嬌紅而堅者。名椒瘡。形實邪盛。  
則跖踣高低。連下臉亦蕃衍。碍睛沙澀。開閉多淚。蓋  
風熱纏結而成。凡病頗重。旬餘不罷。胞內勢所必有。  
只利刀間日。剗洗。照木症點服。不輟。自爾漸漸稀疏。  
若二三顆如粟如椒。紅根黃頂。高平不敢施刀。卽施  
未必淨盡。且照一腫痛。眵淚隨拭隨來。此濕熱鬱。

于土木土木爭勝故也。瑤函謂粟瘡防病變。當指是  
亟用竹葉瀉經湯。瀉黃散。或杞菊飲。防風散。結湯。交  
互遞進。心情胃調。病徐興矣。經曰。從而增氣。物化之  
常。其斯之謂與。

傅氏瑤函眼科之能事畢矣。然其人曉醫而昧儒。亦  
恨事也。謹閱所列證治。除依古抄來。了無折衷。外有  
理近而文法重復。辭強不達。病情有句。妥而病藥。盤  
圓柄方。鉏鋸不入。有必須刀針。全不道及。支離湯散。  
說了又說。有既知無治。業已明言一症一方。鉅釘分  
儀。有自相矛盾。有不相符合。有當言故詞。當詳偏畧。

種種疵弊。指不勝屈。就據此條而論。彼分椒棗二症。已可不必。其一謂椒瘡紅堅易散。未若棗瘡之黃軟難散也。一謂棗瘡黃軟易散。未若椒瘡紅堅之難散也。如此背謬。勝錄嫌渠手拙。乃鋟剛梨棗豈以丸書。非病眼人不讀。朦對轄固無恐耶。爲之莞爾者竟日。雖然。事貴先資。瑤函其可詆毀乎哉。

十二因

因風一

風兮風兮來無由未解吾惛添吾愁表虛引入肌膚去  
不病肌膚病目系有致驚搖撼偏瞤或成上視死亡多  
若夫六經內風作痛攻先在頭戴者洎而風變醫無濟  
外症得來仍不治血虛血熱亦生風昏痒痛淚不同  
熱盛風生禍較酷一類凝脂一痘毒君不見無風火不  
炎病情雖逆藥通參

此章謂患風病人而病目也蓋風屬木木屬肝肝旺  
在日本乎一氣久風多變熱何也木能生火也火盛



則血遂而耗

病氣必鬱鬱則亦生火火

而又生風轉轉相生內外障翳皆起於此有日淺難  
深爲瞶斜者有鬱淺日深爲翻臉者有血虛筋急而  
振搖者有火邪垂亂融和之氣成內障者有風騰血  
湧背幃赤勝爛者結爲瘀肉加雞冠者再加服以香  
燥藥物槩酒色不禁致陰愈虧而火益熾火益熾而  
風彌烈病變爲花白髮脂之重者治當因上尋因火  
抵調氣爲先清火次之不然源既不絕流何能止今  
雖暫退後必復來治之任至再至三風不住而火不  
熄日終無清寧之日矣若夫中風之因岐伯謂大

有四曰偏枯半身不遂而痛曰風痹身無疼痛四肢不收曰風癱奄忽不知人曰風癰諸痺類風狀也金匱要畧中風篇云寸口脉浮而緊浮爲虛緊爲寒虛寒所搏賊邪不瀉邪在皮膚隔僻不遂在經絡肌膚不仁邪入腑不識人入臟舌難言口吐涎沫治用大承氣湯西州續命排風八風等湯東垣云有中風卒然昏愎不省人事痰涎壅盛語言蹇澀此非外來風邪乃本氣自病也凡人年踰四旬憂勞忿怒傷其氣多得此症肥盛者少壯間有之亦是中氣衰而使然急以三生飲加人參一兩卽甦河間謂中風癱瘓非

肝木之風實甚亦非外中於風良由將息失宜心火  
暴盛腎水衰不能制則陰虛陽實熱氣拂鬱心神昏  
冒筋骨不用而卒倒無知也亦有因悲思等情志過  
極而致者夫情志過極皆爲熱俗云風者言末而忘  
其本也須地黃飲子補其陰火陰火治則陽火不難  
於折服矣丹溪曰中風有氣虛有血虛虛則會有瀉  
痰左手脈不足及半身不遂者以四物湯爲主加姜  
汁竹瀝右不足以四君加之氣血兩虛總八物更加  
星夏之三子者各發人所未發腫事增華而中風無  
剩義矣或謂三子一主乎火一主乎氣一主乎濕與

風何和干涉金匱言邪不言風言虛寒所搏不言風中而乃以中風名篇亦欠圓到要知因於中者真中風也因於火於氣於濕類中風而非中風也是在詳辨施治耳辨之爲風則從真中治之辨之爲火爲氣爲濕則治從類中雖處方各有不驗而立言實驪珠之夜照也師謂真中風決不病目類中風亦止有口眼喎斜一症昔讀書見道之語其小兒卒爾痰壅眼翻牽掣此水不榮筋因而火爆木急絕類中風但治法迥別且速痊故不收入

因寒二

寒令傷人無火鬱直據大中成冷厥循經以入漸而深  
內邪逼出方發熱熱煎既久丁無寒謂從寒變成何說  
風寒傷中本無常或入於陰或入陽就向陰陽求活法  
初終手足往端詳

此章謂目病因傷寒而得也。夫傷寒百病之祖不獨  
專責在目讀仲景先生書得其綱領治亦無難若求  
之多岐則支離矣畧述一二於左太陽經表之表也  
行身之背邪入皮毛則先傷之便有惡寒惡風頭暈  
骨痛之症脈浮緊無汗爲傷寒以麻黃湯發之得汗

爲解，汗緩有汗，爲傷風。桂枝湯邪散，汗止爲解。身熱者，邪閉元府，內氣不能泄而生，非風寒之所變也。陽明經表之裏也，行身之前發熱，惡寒脈微大而長，身乾不眠，用葛根湯以解肌。少陽經半表半裏也，行乎兩脇之旁，耳聾脇痛，口苦寒熱往來，脈弦而數，小柴胡湯和之。過此爲邪入腑，若其脈沉而有力，不惡風寒而反惡熱，譫語大渴六七日不大便，明其熱入腸胃，所謂正陽明病也。輕則大柴胡湯，重則三承氣大，便通而愈矣。過此則少陰太陰厥陰俱入臟而爲裏，當辛溫對症主治，不可涼散。若初起便惡寒，手足厥

冷或戰慄倦卧不渴兼之腹痛吐泄或口出涎沫面  
如刀刮不發熱而脉沉遲無力此爲陰症不從陽經  
傳來輕則附子理中湯四逆湯重則九轉丹回陽飲  
以溫之不宜少緩外此有假陰假陽如太陽症頭痛  
發熱脉當浮而反沉又似少陰矣故用麻黃附子細  
辛少陰症脉沉應無熱而反發熱又似太陽矣須用  
甘草附子乾姜陰症四肢厥冷而陽症間亦或然此  
四逆湯四逆散不同也陰症下利而陽症亦有漏底  
此理中湯與黃龍湯不同也又有真陰真陽虛損發  
熱亦與傷寒無異如惡寒自汗胸脇飽悶則用補中

益氣湯而愈。面赤口渴煩燥與六味地黃湯亦得。再下部惡寒足冷或欲飲而反吐。卽於前方加肉桂附子五味下嚙。隨安總之傷寒者。蓋冬時嚴寒。感冒卽病之名。先由皮毛經絡而入。腑入臟。始雖惡寒發熱。而終爲熱症。其人必素有火者。中寒者直入臟腑。始終惡寒而並無發熱等症。其人必無火者。經曰發熱惡寒者發於陽也。無熱惡寒者發於陰也。寒傷形熱傷氣。一則發表攻裏。一則溫中散寒。兩門判然明白。那得存騎牆之見。而與素有內傷者陰陽真假同證混治耶。目科忽傷寒而不論專家論傷寒而迂闊廣。



年第一月

卷之三

三

常領會此條所謂相與親所尚時遠誦我書也。

因暑三

大暑傷乎氣脈虛身則熱熱極耗陰精孤陽上飛越忌  
下亦忌升忌散復忌泄此中有真意高人終得得

此章因暑致目病而言夫暑乃六氣之一動靜皆  
能中人有深堂高閣過受涼風或瓜梨鮮果多茹生  
物陰能遏陽熱氣不能伸越必頭痛肌熱肢節痠疼  
心煩吐瀉惡寒無汗此靜而得之爲逆暑主以大順  
散不効加參附遠近賈客日中行走暨老弱農役炎  
蒸勞作既耗元神而又逼起真火病發身熱頭痛躁  
渴引飲汗大泄惡熱此動而得之爲中暈甚則昏倒

不知人手足背心微冷或吐或瀉或喘吐沫急以二氣丹同蘇合香丸料灌下如無研蒜水調香薷飲亦可勢稍退合前證靈砂益元散蒼朮白虎湯主之若體氣素虛藥不合式惟增易清暑益氣湯補中益氣爲當今人恐患暑病常服益元香薷等藥謂之預防適所以招暑也平居遠害生脈散爲夏令最宜。

暑病與熱病相似但熱病脈盛暑病脈虛爲熱治當調養元氣而佐以解暑若人吐極病危篤水米不入入卽吐亟用人參一錢黃連三分糯米一勺濃煎候冷徐徐咽下盡一小盞不吐便可投藥食矣或炒塩

煎水一杯亦効。

因濕四

寒冬蒙霧春苦雨勞人更涉空江水秋夏炎威做四演  
石泉收汗茶解醒外面內稔受濕元氣虛濕邪入入肺  
喘滿生入脾腫脹成人肝身痛風濕搏入腎體重寒濕  
薄入濕入心變濕熱仍發腫痛與痿濕淫腸胃爲滯  
泄濕阻氣血倦怠絕濕在皮膚則頑麻強硬不仁癢經  
脉濕邪上游眼沿爛或脹微疼肢不微舒嗟濕令如此  
胡爲醫清溫而利見真機

此章言病因濕所致有在天之濕雨露霧是也在天  
者水平氣故先中表之替衛有在地之濕泥水是也

在地者木乎形故先傷血肉筋骨有飲食之濕茶酒  
乳酪是也夫飲食歸水穀之海有人有出受得應不  
言禍然洋溢淹浸一時誰能化行故傷脾胃有汗液  
之濕謂汗出沾衣未經解換是也夫汗衫隨乾隨滿  
不換而著最難耐人故傷肌脈再則有血弱陰漬之  
濕脾土自化之濕陽盛則火勝變爲濕熱陰盛則水  
勝化爲寒濕其症總發熱惡寒身重自汗筋骨疼痛  
小便閉澀大便滯泄腰痛不能轉側跗腫肉如泥按  
之久久不起經曰因於濕首如裹濕氣蒸於上故頭  
重濕滲筋故大筋繃短小筋弛長繃短爲拘弛長爲

痰濕勝則濡泄。故大便溏泄。大便泄故小便澀。濕從下注。故跗腫。諸濕腫滿。故腹脹。肉如泥。濕入腎。水流濕。從其類也。故腰痛。治法在上者。當微汗。經曰。濕淫所勝。助風以平之。羌活勝濕湯。又曰。下者舉之。得陽氣升而愈矣。升陽除濕湯。又曰。在下者當利小便。四苓散。東垣亦曰。治濕不利小便。非其治也。又曰。在下者引而竭之。愚意濕從外入。本來傷陽。過用滲濕之物。是重竭其陽。陽竭則精神蕭索。而疾益淹留。改用辛溫和劑。如平胃散。藿香正氣散。理中湯。參苓白朮散等。而補益之。自然濕氣日除。濕自內生。變化頗多。

未能枚舉然總不離痰痛秘澀諸證精醫者尚其以  
意求之以脉忝之以前藥消息之病情充服濕熱發  
黃或有兼症更須斟酌若乃所謂痰濕者王節齋曰  
痰之本水也原於腎痰之動濕也由於脾龐安常曰  
有陰水不足陰火上升肺受火侮不得清肅下行由  
是津液渾濁生痰不生血有腎虛不能納氣歸元氣  
出無歸則積積而不散則痰生焉由此觀之夫痰特  
病名與標耳隨病而生隨病而沒原非人身之所固  
有雖來痰數變不過假威肆惡不求其本而齊其末  
必欲攻劫殆遠恐咳嗽唾咯相因雜見矣



因厥鬱五

寒熱薄煎食氣血尸痰虵統各十厥大知是症致命多  
神珠卒爾病稀得資身木火土金水流行對待生無已  
太過不及鬱深沉達發奪泄折能起

此章言因鬱而致口病病而復厥症治鬱有五經曰  
木鬱則達之火鬱則發之土鬱則奪之金鬱則泄之  
水鬱則折之達者暢茂條達之義肝性急怒氣逆脇  
腋或痛火時上炎泄以辛散不愈則用逍遙散或升  
散之品加厥陰報使而從治之久風入中爲食泄則  
以清揚之劑四君子加桂枝芍藥舉而散之凡此類

吐之之涉。註內經者曰達之吐之也。吐中雖有發散之義。只保得無害。便可以吐字該達字耶。發之註曰江之也。東垣升陽散火湯。使窮其勢。則已其實發與達不相遠。蓋火在木中。木鬱則火鬱。即以達之之藥發之。無有不應。奪之註曰下之也。如中滿腹脹。困甚。非鹹寒峻下。以劫奪其勢。決不能平。然食塞胃中。厥逆不省。不吐則死。當以吐為上奪。而表其胃土之鬱。經曰高者因而越之。非奪而何。至曰泄之。滲泄解表利小便也。夫肺主皮毛。繼諸氣。臍解表則金氣已達。再加滲利。不惟便涉水鬱。端恐虛其虛。而鬱愈

鬱耳。折之謂制其衝。逆固是妙解。然調其氣過者折之。以其畏也。所謂瀉之。又當體認。凡水道皆氣化。氣止則化絕。非過而折鬱。將轉變爲厥矣。由此言之。折之須當有術。或左右合歸。煖其腎氣。氣運則鬱泄。或補中益氣。升提肺氣。使上竅開而下竅自通。或建中助其脾土。制以所畏。不利之利。卽所謂瀉之也。丹溪曰。氣血冲和。百病不生。一有拂鬱。肇基於此。乃制六鬱。論曰。氣曰滯。曰熱。曰痰。曰血。曰食。且謂六鬱以氣爲先。氣鬱而成濕滯。濕滯而成熱。熱鬱而成痰。痰滯而血不行。血不行而食不消。此六者相因爲病者也。

故立越鞠丸以治鬱。薛氏因越鞠變逍遙，加減出人。  
九爲平亢厥有十，陽氣衰乏有陰，必奏之。令人五指  
至膝上皆寒曰寒厥，足寒逆於下也。宜六物附子湯。  
八物回陽飲。王之陰退則陽進，陰氣衰於下則陽往。  
奏之。令人足下熱，熱甚則循三陰而上，曰熱厥。宜六  
味地黃湯。王之暴怒則火起，燄血上行，令血菀於上。  
氣亂於中，血氣相薄而厥。曰薄厥。蒲黃湯。王之諸動  
弱，陽煩則陽氣張，大勞火亢，火炎則水乾，故令精  
絕。是以遷延辟積，至於夏月，內外皆熱，孤陽飛越如  
煎如熬。曰煎厥。宜人參固本丸。王之五尸之氣暴淫。

於人亂人陰陽形氣相離不相順接令人暴厥如死  
曰尸厥二十四味流氣飲或蘇合香丸主之寒痰迷  
悶四肢逆冷曰痰厥或吐蛇曰蛇厥並宜姜附湯不  
則烏梅丸理中湯主之氣爲人身之陽一有拂鬱陽  
氣不能四達故令手足厥冷曰氣厥與中風絕似但  
中風身溫此身冷耳宜八物順氣散主之飲食自倍  
適有感冒胃氣不行陽併於上須臾昏迷身半以上  
悶而熱或心煩頭痛身半以下冷於水鐵櫃爐不熱  
曰食厥醫以爲陰寒中風而溫補之立斃須陰陽淡  
煎湯探吐食出卽愈或平胃加減保合丸主之汗出

過多。血少氣併。血上不下。氣亦擁塞。候爾則死。氣過  
血還。陰陽復通。移時方寤。曰血厥。婦人多有患者。宜  
白薇湯。倉公散主之。總之十厥五轉。證則爾爾而治  
常。不等得意忘言。毋徒從事成法。

因毒六

何事瘍瘡不能血氣注留未謝濁邪因此害清和目病  
斯來也。道是酒肉淫却似烟花惹風流棒打始能  
受幾多下。

此章言人生瘡瘍流毒攻於目夫瘡瘍之作皆由  
膏粱厚味酒色勞鬱耗損真元外邪襲入朋黨作奸  
致血氣注留內無從洩發作腫痛經曰形傷痛氣傷  
腫又曰五臟不和九竅不通六腑不和留結爲難外  
似有餘而內實不足如再加肝虛毒勝必循目絡侵  
侵清虛法當澄清毒源毒去目自愈大要腫高煩痛

膿水稠粘者。元氣未損也。仙方活命飲解之。次用托裏消毒散。漫腫微痛。膿水清稀。元氣衰弱也。用托裏不應。加姜桂。膿出反痛。氣血虛也。八珍湯加芪桂。不生肌不斂口。脾氣虛也。四君子加芍藥木香。惡寒增寒。陽氣虛也。十全大補加姜桂。助熱內熱。陰血虛也。四物加參朮。欲嘔慣嘔。胃氣虛也。六君子加炮姜。自汗盜汗。心腎虛也。補心丹。或都氣丸。食少體倦。脾氣虛也。補中益氣加半夏茯苓。喘促咳嗽。脾肺虛也。前湯加麥冬五味。欲嘔少食。脾胃虛也。椒梅理中湯。再腹痛泄瀉。則虛寒矣。前湯加梅易附子。小腹痞是。



脛腫脾腎虛也十全大補加棗皮山藥更泄瀉足冷則虛寒矣。再加香附熱渴淋閉此腎虛陰火加減八味丸喘嗽淋秘此肺腎虛火前方及補中益氣湯大凡怯弱之人不必分其腫潰惟當先補胃氣以托裏消毒散加減從事或疑參芪滿中問有用者加上許多涼散所補不償所損又有泥於氣質素實及有痰不暇補劑專一敗毒耳曾人俞醫云乎哉故東垣云形氣病氣有餘當瀉不當補形氣病氣不足當補不當瀉丹溪曰但見腫痛赤之脈症虛弱便與滋補氣血無虧可與滋補者好訟因而受杖棒瘡痛攻及目

此怨氣激傷肝肺。須援因他劄議治却與本症無涉。則非妄與也。惟犯法健訟者受之。是以君子懷刑。訟獄哀息。爲國之瑞。今人倚恃護符。稍有爭端。輒爲詞誣捏。雖箇中討得便宜。而家力日告消乏。萬一官清敵勁。疏杖端。終不免大以軒軒好漢。與隸卒同一個伏已。自不堪乃囚首戴轡。受責於衆人。屬目之地。耻孰甚焉。爾時縱氣硬口。硬痛著自憐。而虧體辱親。子弟且使人不去。不孝又莫大於此。願天下有爲之士。完國課。守臣碑外。務以寬厚之情。施諸鄉黨。斷不能飛空冤陷。卽不幸偶罹株連。亦天理人心。昭雪有日。杖何如受。

因瘧七

無痰無食不成瘧。風寒外感。仍能作。惟火沴秋金。邪魔入却深。脾寒腎氣瘵。瘧住還下。痢反復陷。春陽陰翳。目減光。

此章指病瘧。曰病。病。目瘵。病。反復變遷而言。經曰。夏傷於暑。秋必病瘧。蓋冒暑肺渴。引水自救。過飲則陽明受濕。而熱邪畏不敢發。伏而成禍。至秋金令行。暑濕乘燥而出。此時被涼風一吹。二者復爲所鬱。既爲所鬱。必虛中而侮寒水。三經合病矣。故陰陽混戰。寒熱往來。按期而發。發則頭痛。心煩。骨節酸痛。或嘔。或

渴神魂無主。雖汗過漸止。而肌肉已暗暗銷脫。爾故  
從瘧而名。症云其寒多熱少。熱多寒少。一日一發。間  
日一發。一日兩發。與夫子後午前午後子前。先寒後  
熱。先熱後寒。但寒不熱之牝瘧。但熱不寒之瘧。瘧此  
在陰在陽。邪深邪淺之分。理雖淵微。不甚費解。醫如  
四診具備。自能得其顛末。治法無汗。要有汗。散邪爲  
主。有汗。要無汗。扶正爲主。以青皮飲。麻桂飲。隨症加  
減。若胃中有鬱痰伏結。用草菓飲。不効。當補中益氣。  
倍柴胡。加半夏。生薑。或建中歸脾。熱盛寒少。加丹皮。  
梔子。亦可。八瘧併前方俱不効者。八味丸。九轉丹。確

有神應然。總須病未來二三時迎而奪之。瘡不卽退。病自稍減。有一種似瘡非瘡。凡傷寒後。大病後。產後。癆瘵等症。俱有往來寒熱。或一日二三度發。此經所謂陽虛則惡寒。陰虛則惡熱。陰氣上入於陽中。則惡寒。陽氣下陷於陰中。則惡熱是也。又有一種瘡後痢。痢後瘡者。夫既瘡後。發洩已極。必無暑熱之毒。復爲痢疾。此客感別邪。脾肺元虛。不能升發。而變似痢非痢也。既爲痢後。不多亡血氣。又隨痢散復爲瘡疾。此陰陽兩敗。似瘡非瘡也。並作虛論。一用前藥消息之。立愈。粗工不問正瘡似瘡。但見病候如前。輒用常山。

香埤等物。闢病而進。謂之截江橈柱。天頗多。不悔不  
悔。傷哉。因併辨別於此。以俟作者。恭攷焉。

因胎產八

爲產血下陰已脫。渾身陽氣隨筋索。竅虛風動外邪并。  
五邪顛連。疾其作。再加人事日相催。目病等閒年命薄。  
未產如病號。兼胎元自陰陽否。舉來邪恐有餘正不足。  
醫人須另出心裁。

此章總言孕婦既產未產而目病也。分而疏之。凡孕  
婦臨產百脉沸搖。困苦不堪。既產血氣俱傷。懷虛若  
谷。產後兒啗其乳。或自食。必女紅力辨。縱任般愛。養  
粹難復其天稟。一切外邪皆得乘虛侵犯。正衰邪盛。  
內外交攻。而經脉精華漸衰。是故因產癆瘵。於以斃。

命者頗多。况目乎。詩曰。哀哀父母。生我劬勞。欲報之  
德。昊天罔極。先儒歲值生辰曰。母難日。不如輩飲酒。  
深有待於詩言。治當大補微和人參養榮人參補胃。  
艾人理血等湯。加減萬不可施。寒散及遷延時日。恐  
氣亂血凝。而病深入。取効難矣。若夫兼胎之治。尤宜  
矜慎。蓋既否塞中州。陰陽未免間隔。火上水下。故目  
病足亦腫脹。目多假實。而足真虛寒。將謂療以清利。  
固知有故無損。將謂投以溫補。而上下不對證。屢見  
粗工措手不及。其實溯本探元。一用保胎流氣飲正。  
氣天香湯內護外劫。且益且損之法。於事畢竟有濟。



日經不成

卷之二

七

嗟嗟俄頃之間兩命是寄至情所感無往不達聞斯  
論不興孝思臨斯病而居有貨此奸惡無道不可使  
知醫事

因痘疹九

痘疹元無種。平生只一遭。火威酷若吏。風利快如刀。作  
害侵空殿。敢堅入不毛。收成猶故我。造化小兒曹。

此章指痘疹致目病而言。夫痘疹本難療。曰天花曰  
大小葉子。諱辭也。為毒最重。中其毒等常病亦最烈。  
蓋稟受以來。蘊積諸邪。深入臟腑。迫痘疹天行。感其  
氣。則六經百脈。清純太和之地。皆被攪擾。有失生長  
化毓之源。是以毒內攻者。痘疹必壞。毒上升者。眼目  
必災。且肝膽乃謀決之官。邪正理不並立。而眼目又  
清虛之府。穢濁安可薰蒸。故痘疹放點。卽上目。至收

醫始作者。然又有說。非勞頓不堪。恐懷藏大事。或元氣未復。膏粱過味。或喪殮不繼。憂苦倍常。病發多端。症成則一。有爲流淚赤爛。有爲凝脂黃液。有爲花白聚星。有爲星月翳蝕。繼則有凸者。焦者。冰瑕者。解睛者。有轉風爲喝。斜爲振跳。羣引者。總宜慎思明辨。各隨人之輕重虛實。按經投藥。是症雖險。亦有以出之之法。倘其頑不識。恃能種痘。明目張膽。將人家好兒女。平白結果。是不用及而殺人。亦有村婦愚夫。咸曰種痘穩於天行。蓋廬望痘師。擔當痘娘。保佑故也。詎知痘師那討得返魂丹。耶。泔泔不問痘之好。又但見

自有淚。畏光微赤。急用黃丹輕粉威靈仙爲散。吹耳中。不退點以銀硃或胭脂雪飛雄丹。又不退。須調活血散升解散。不則消毒飲化毒湯。或麝除參芪雖未必就痊。準可抑疾使緩。化重爲輕。然是症有專科。活幼心法。幼幼集成。暇時潛心領畧。治目不無小補。余同懷兩兄弟皆八子。孫曾兄倍之。荷天之寵。無一殤於痘。表兄朱某二子。已成童。俊而慧。慮種子自過多。麻面擇能稀痘名手。設壇特種。苗發遽斃命。使聽其自然。不惑妖言。未必爾爾。後竟無嗣。嗚呼。醫乃仁術。種痘者其矢人哉。

因疳積十

穀氣積成疳。肝強木火炎。燦金而尅土。五臟已傷三。腹大肌膚瘦。聲乾秘結兼。目盲命亦致。醫者請詳參。

疳者甘也。蓋肥膩美味致病之名。疳積兼寒苦而言。凡小兒並無傷寒瘡疾。却發熱煩渴。肌肉漸漸消瘦。筋青髮豎。腹滿不利。白珠帶青。或黃。或枯瘠。黑睛渾濁。色如死。後抱輪微紅。怕亮不睜。眼眵頻眨。淚如糊。最後風輪上有白膜。膜上旋起黑暈。遂失明。次第如此。珀眼無疑也。病根於土。土燥則鬱。木木受鬱。則風火無從而洩。以故腦髓皆受其害。釀成此禍。先輩

謂飲食過倍。既困土。復妨肝。肥兒用神麴。蕪荑爲丸。正恐其成疳也。若面不甚黃瘦。驗能開合。暈膜淺者。勿治其目。保嬰丸治中宣化丸。竟治其疳。疳去曰徐。瘥。雖然疳亦難期。瘥曰爲子也。毋者。勿以多不爲意。毋以少而矯養爲子也。父者。不防未然於必然。而以後車蹈前車。致小兒瞽而畢命。全不哀悼。傷哉。

疳有肥瘦。無分冷熱。肥者形氣充盈。胸腹不甚熱。二便常利。瘦者手足細甚。項小尻削。二便不通。總由脾胃虛敗。不能運行飲食。或飲食不常。得損及脾胃。生痰生熱。轉風轉蟲。務宜消積。清毒。殺蟲。循次乘除。間

亦有獲瘥者。方書有冷疳之名。無肥疳之辨。冷主臍寒。是必熱治。肥疑氣虛。定憂洩利。既補且固。則助益病。能速其死矣。

因他十一

現成有病於陰分時令違和氣不順氣不順兮陽不升  
遂使清濁兩相混內外症發固因他就事論事他勿問  
此章專言因害別故而累及於目也所致不同未能  
直指爲甚故統曰因他如傷寒酷熱熱鬱蒸損臍神  
蠱脹過飽姜附而腫時疫之奪人元神嵐障之于胃  
正氣一也真陰銷耗則靡精絕昏盲陽氣煩勞則張  
熱勝惑妄一也痰症之痰暈火症之痛澀氣症之結  
鬱血症之赤疹一也總之凡因病病目外雖有標必  
問何因而致卽以因症治之遵道不違或第裁以本



經之藥其因自得斷不可膠柱鼓瑟有辜兩情嗟嗟  
天之賦稟已定人之斷喪無窮故虧者多盈者少泰  
者少而否者多苟知愛重而不犯戒約居易行素靜  
俟天命自然災眚都無萬一事出意外更以識造識  
以理止情以不加我者巧自寬解心地休休與物無  
忤覺鳥獸禽魚欲來親人不獨身無恙而目視明年  
亦永矣元機之士非不河漢斯言修真煉性當此奉  
爲家法

無因而因十二

情慾少。世情疎。性氣溫和。飲食宜。日月風霜。皆不出。慙。慙。病耐人思。

世章言曰。不應病而病。世有碩德仁人。韜真養素。內  
還人欲。外體天和。宜水火既濟。陰陽各得其所。乃目  
亦病。病且不愈。何哉。蓋稟受虧歉。縱日飽膏粱。未能  
應機。蒸變則當生者不生。不當尅者而尅。如雀目。近  
視。殘風。天旋。與夫處子血怯。小兒腎虛。皆造化使之  
也。自非通人。概以恒情相格。不惟醫理欠講。而殺機  
蚤流露於藥籠中矣。故於諸有因外。另增無因而因。

三折肱者其以予官爲簡矢也夫